



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XIII

BROJ: 221

DATUM: 10.06.2016.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

U Sarajevu održan samit lokalnih vlasti Evrope i Azije

Reindustrializacija je realnost za razvoj lokalnih zajednica čitave BiH

EU i UNDP podržavaju više od 100.000 ljudi u BiH putem projekta "Lokalni integrisani razvoj"

U Kalesiji predstavljen projekat razvoja ruralnog poslovanja

Goražde dobija status grada

U Žepču planirano osnivanje poslovne zone Golubinja

Općina Čitluk potpisala Memorandum o saradnji s Antikorupcijskom mrežom organizacija civilnog društva

U Sarajevu pušten u funkciju Next-bike sistem bicikala

Bilten Saveza općina i gradova Federacije Bosne i Hercegovine

U SARAJEVU ODRŽAN SAMIT LOKALNIH VLASTI EVROPE I AZIJE

Općina Novi Grad Sarajevo je 30. maja bila domaćin Samita lokalnih vlasti Evrope i Azije, koji je okupio oko 150 gradonačelnika i načelnika iz 15 država Evrope i Azije, članica Unije općina TDBB-a (Unija država turskog svijeta), koji se prvi put organizira u BiH. Samitu su prisustvovali gradonačelnici i načelnici iz Republike Turske, Azerbejdžana, Kirgizstana, Sjevernog Kipra, Makedonije, Srbije, Crne Gore, Mađarske, BiH, Albanije i Kosova. Pored načelnika i gradonačelnika evropskih i azijskih zemalja,



prisustvovali su ambasador Republike Turske u BiH Cihad Erginay, zatim predstavnici TIKa-e, Turskog kulturnog centra Yunus Emre u Sarajevu, potpredsjednica Federacije BiH Melika Mahmutbegović, predstavnici Kantona Sarajevo, načelnici 15 općina iz BiH i njihovi saradnici, predstavnici Općinskog vijeća i vijećnici Općine Novi Grad Sarajevo, te drugi gosti. Općina Novi Grad Sarajevo je jedna od 17 članica TDBB-a iz BiH. Prije više od dvije godine započeta je saradnja, a u septembru prošle godine načelnik Semir Efendić je izabran za jednog od kopredsjednika i člana Upravnog odbora Unije. Cilj Unije je jačanje saradnje i razmjena iskustava između lokalnih zajednica. „Ovo je vjerovatno najveći susret lokalnih vlasti u BiH koji se održava u zadnjih desetak godina. Mislim da imamo više od sto načelnika i gradonačelnika iz država Balkana i Azije. Danas je prilika da predstavimo aktivnosti udruženja gradova Unije TDBB-a, sa sjedištem u Turskoj, koja ima oko 1.200 članica. To će biti i prilika da se predstavi ono što je udruženje uradilo do sada i da se da mogućnost općinama koje nisu članice, da se pridruže organizaciji. Ovo je prilika za saradnju među općinama, bit će održani bilateralni sastanci, siguran sam da će iz toga proizaći konkretna saradnja. Mogu reći da su općine iz BiH, članice TDBB-a do sada, uspostavljajući bratimske odnose sa Unijom, realizovale projekte vrijedne nekoliko desetina miliona KM. Danas je prilika da se sve te aktivnosti prezentiraju“, rekao je načelnik Efendić. Predsjednik TDBB-a Ibrahim Karaosmanoglu rekao je kako vjeruje da će rad tokom današnjeg samita i bilateralnih sastanaka biti plodonosan i polučiti kvalitetnim rezultatima i novim poznanstvima. „Mi danas ovome sastanku prisustvujemo kao unija općina i imamo za cilj da prije svega razmijenimo iskustva iz domena lokalnih vlasti. Ovo je dobra prilika da se upoznamo i sklopimo poznanstva sa drugim općinama sa ovog postora koje mi smatramo bratskim“, poručio je Karaosmanoglu. U svom obraćanju Karaosmanoglu je istakao da se svijet globalno ubrzano mijenja, ali da se život u lokalnim zajednicama najsporije mijenja i zbog toga je važno ulagati u bolje uslove života u njima. Također, je istakao da je primjetno da nam dosta gradova stari, te da je vrlo važno ulagati u njihovu obnovu. Samitu je prisustvovao i zamjenik gradonačelnika grada Ohrida Angel Janev, koji je kazao da lokalna zajednica grada Ohrida ima oko 20 gradova pobratima i još više od 20 gradova koji su potpisali sporazum o saradnji, ističući da jedan ovakav skup treba da organiziraju svi gradovi. Merdi Semizade, direktor Agencije za lokalnu samoupravu pri Ministarstvu pravde Republike Azerbejdžan istakao je zadovoljstvo prisustvom na samitu koji se održava u Općini Novi Grad Sarajevo. „Željeli smo da svojim prisustvom damo podršku našem prijateljskom narodu“, rekao je Semizade. Generalni sekretar TDBB-a Fahrī Solak istakao je da predstavnici turskih općina u BiH borave već tri dana. U tim danima, pored sastanka Upravnog odbora Unije, predstavnici turskih lokalnih zajednica prisustvovali su vjerskoj manifestaciji Ajvatovica u Pruscu, a obišli su još nekoliko kulturnih i turističkih mjesta u BiH.

Gledajte Savez općina i gradova
Federacije Bosne i Hercegovine na



Goste su u protekla dva dana ugostili načelnici općina Konjic, Travnik i Fojnica, čije su općine članice Organizacije. TDBB je osnovana 2003. godine i djeluje uz 28 zemalja članica sa više od 1.100 općina. BiH je, kako je istakao Solak, zemlja u kojoj TDBB najaktivnije djeluje. Na samitu je predstavljen projekat obnove mosta na rijeci Spreči između dvije članice TDBB-a, Grada Doboja i Doboj Istoka, kao i projekati koje je

Goražde gradilo sa osam bratskih općina iz Turske (Kulturni centar i park u Goraždu), a pored toga predstavljen je i projekat obnove mosta Mustafe bega Sokolovića, najstarijeg kamenog mosta koji je izgrađen u Osmanskom periodu u BiH (20 godina prije Višegradske čuprije).

REINDUSTRIJALIZACIJA JE REALNOST ZA RAZVOJ LOKALNIH ZAJEDNICA ČITAVE BIH

Reindustrijalizacija je ispravan strateški put u razvoju ekonomije BiH, to pokazuju i rezultati u doprinosu industrije u zapošljavanju po lokalnim zajednicama u čitavoj BiH, rekao je u razgovoru za Fenu profesor Ekonomskog fakulteta Univerziteta u Sarajevu dr. Anto Domazet. Kako je kazao, reindustrijalizacija je nužnost za BiH zbog protekla tri vala deindustrijalizacije kojim je došlo do devastacije industrijskih potencijala BiH. "Prvi val deindustrijalizacije desio se u ratnom periodu u kome su fizički



uništeni brojni potencijali industrije, a također pokidane veze tehničke i ekonomske suradnje u okviru bivše SFRJ i veze s inozemnim partnerima. Drugi val deindustrijalizacije desio se u vrijeme tranzicije kada je kroz neuspješan proces restrukturiranja, uključujući i neuspješne privatizacije, dodatno izgubljen veliki dio industrijskog potencijala. Treći val desio se nakon pojave globalne krize kada su mnoga industrijska poduzeća, gubeći tražnju na izvoznim tržištima izgubila jedan, ipak manji dio industrijskih potencijala", objašnjava Domazet.

Industrija je na sadašnjem nivou razvoja ključno područje za ubrzanje razvoja, zapošljavanja i izvoza, naglašava. "Pokretačka snaga industrije su investicije radi postizanja tehnološke modernizacije i efikasnosti kao osnova za konkurentske prednosti industrije na globalnom tržištu", govori Domazet. Kako ističe, industrija stvara 19,6 posto radnih mjesta koncem 2014. godine, pri čemu u FBiH 19,2 posto, a u RS-u 20,3 posto radnih mjesta.

Lokalne zajednice u BiH pokazuju različit nivo industrijalizacije.

Udio industrije u ukupnoj zaposlenosti u lokalnim zajednicama ovisi od toga kakvo je naslijeđe industrije iz socijalizma i s kakvim uspjehom je ta industrija restrukturirana i od toga kakvim tempom teku investicije u stvaranje novih industrijskih poduzeća u lokalnim zajednicama.

Prema nivou industrijalizacije lokalne zajednice se mogu podijeliti u tri grupe.

Prvu grupu čine visoko industrijalizirane općine i gradovi u kojima je lokacijski kvocijent znatno iznad 1 (udio industrije u općinama znatno iznad udjela industrije u ukupnoj zaposlenosti po entitetima). U tom smislu se lokalne zajednice mogu podijeliti u tri grupe.

Među njima su vodeće općine – udio industrije u zaposlenosti: Kotor- Varoš, Petrovo, Maglaj, Visoko, Goražde, Brod, Derventa, Kostajnica, Gračanica, Tešanj, Gradačac, Šipovo, Novi Travnik, Konjic, Olovo, Gornji Vakuf, Teslić, Modriča, Šekovići, Odžak, Lukavac, Kozarska Dubica, Čelinac, Travnik, Prnjavor, Kalesija i Zvornik.



"Dalji razvoj industrije mora biti podržavan mjerama industrijskih politika, razvoja malih i srednjih poduzeća i promocije investicija i izvoza, a posebno je značajno da se razvoj industrije nađe u fokusu lokalnog razvoja", rekao je prof. dr. Anto Domazet.

Drugu grupu čine srednje industrijalizirane općine – udio industrije u zaposlenosti: Drvar, Bratunac, Rogatica, Srebrenik, Široki Brijeg, Grad Trebinje, Šamac, Vlasenica, Bosanski Petrovac, Kiseljak, Donji Žabar, Velika Kladuša, Zenica, Srebrenica, Grad Prijedor, Breza, Bosanska Krupa, Doboj-Istok, Mrkonjić-Grad, Milići, Grad Bijeljina, Jablanica, Čitluk, Živinice, Glamoč.

Treću grupu čine niskindustrijalizirane općine – udio industrije u zaposlenosti: Grad Istočno Sarajevo, Tuzla, Bihać, Višegrad, Nevesinje, Orašje, Kakanj, Čapljina, Stari Grad, Kupres, Grad Doboj, Stolac, Ljubuški, Novo Sarajevo, Čajniče, Mostar, Sarajevo Novi Grad, Vitez, Gacko, Banovići, Livno, Foča, Sarajevo Centar, Ugljevik i drugi.

"Dalji razvoj industrije mora biti podržavan mjerama industrijskih politika, razvoja malih i srednjih poduzeća i promocije investicija i izvoza, a posebno je značajno da se razvoj industrije nađe u fokusu lokalnog razvoja", rekao je prof. dr. Anto Domazet.

Izvor: Akta.ba

EU I UNDP PODRŽAVAJU VIŠE OD 100.000 LJUDI U BIH PUTEM PROJEKTA „LOKALNI INTEGRISANI RAZVOJ“

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Razvojni program Ujedinjenih nacija (UNDP) potpisao je 31. maja/svibnja u Doboju memorandum o razumijevanju i sporazume od saradnji s načelnicima i gradonačelnicima 21 općine i grada u Bosni i Hercegovini. Sa ovim potpisima ozvaničena je opredijeljenost za podršku projektu Lokalni integrisani razvoj (LID), koji će omogućiti sveobuhvatan i održiv društveno-ekonomski razvoj, poboljšanje



dobre prakse upravljanja i razvoj lokalne infrastrukture i usluga u tim općinama i gradovima, saopštio je UNDP. Nakon javnog poziva, sljedeće općine i gradovi izabrani su da učestvuju u 6,6 miliona eura vrijednom projektu "Lokalni integrisani razvoj" (LID) koji finansira Evropska unija (EU): Banja Luka, Bijeljina, Čelinac, Doboj, Foča, Goražde, Gradiška, Konjic, Mostar, Maglaj, Modriča, Novi Grad, Odžak, Orašje, Prijedor, Srebrenik, Šamac, Tuzla, Vareš, Žepče i Živinice. "LID projekat je dio EU programa za lokalni razvoj i zapošljavanje koji predstavlja nastavak napora EU da pomogne ekonomski oporavak zemlje, doprinese stvaranju novih radnih mjesta i poboljšanju životnog standarda građana. Aktivnosti Programa će također doprinijeti ciljevima Reformske agende u BiH za poboljšanje poslovnog okruženja i ekonomske konkurentnosti", rekao je šef kooperacija u Delegaciji EU u BiH Melvin Asin. UNDP će implementirati LID projekat u periodu od tri godine, od 2016. do 2018. godine, u partnerstvu sa Ministarstvom za ljudska prava i izbjeglice BiH, Federalnim ministarstvom razvoja, poduzetništva i obrta, Ministarstvom za državnu upravu i lokalnu samoupravu RS i dva udruženja općina i gradova u FBiH i RS-u. Projekat će doprinijeti poboljšanju dobre prakse upravljanja putem uspostavljanja lokalnih partnerstava za razvoj, kreiranja inkluzivnih razvojnih strategija i poboljšanja sposobnosti lokalne uprave za planiranje i upravljanje razvojem i finansijama, u skladu sa potrebama lokalne zajednice. Projekat će podržati 30 mikro, malih i srednjih preduzeća, te 300 seoskih domaćinstava i 100.000 korisnika. „LID projekat nastoji poboljšati životni standard i povećati socijalnu uključenost više od 100.000 ljudi u Bosni i Hercegovini", rekla je zamjenica rezidentne predstavnice UNDP-a Zahira Virani i dodala: "Projekat će pružiti podršku stvaranju radnih mjesta i većih mogućnosti za ostvarivanje prihoda u lokalnim zajednicama, posebno za osobe iz socijalno ugroženih grupa, kao što su povratnici, interno raseljene osobe, domaćinstva pogođena poplavama, žene, starije osobe, Romi, osobe s invaliditetom i osobe koje su dugo bez zaposlenja".





U KALESIJI PREDSTAVLJEN PROJEKAT RAZVOJA RURALNOG POSLOVANJA



Projekat „Razvoja ruralnog poslovanja“, koji je finansiran iz IFAD-ovog Međunarodnog fonda za razvoj poljoprivrede 9. juna/ lipnja je prezentovan u Kalesiji. Projekat su prezentirali predstavnici SERDE iz Sarajeva koji su predstavnike općine Kalesija, poljoprivrednih udruženja i preduzeća koja se bave poljoprivrednom proizvodnjom upoznali sa značajem projekta i uslovima aplikacije. Cjelokupan projekat je osmišljen kao pomoć malim i

siromašnim poljoprivrednicima, koji bi uz pomoć općine i otkupljivača mogli obezbijediti dodatne prihode.

Prema riječima Aide Džamalića – Duran, projekt menadžera SERDE, razvojni cilj projekta je pomoći poljoprivrednicima za preživljavanje, uz nastojanje da pređu iz oblika proizvodnje za vlastite potrebe na komercijalno bavljenje poljoprivredom, te da im se pomogne u razvijanju sektora ne-farmskih poduzeća i stvaranje prilika za zapošljavanje na selu. „Vrlo je važno istaći da će kroz projekat biti podržan i jedan dio infrastrukturnih projekata i dio koji će biti usmjeren kroz poticaj malih poljoprivrednika – siromašnih, jer je cjelokupan projekat usmjeren za smanjenje siromaštva u ruralnim područjima. Radi se o mini finansiranju nabavke nasada i slično, zavisno od potreba lokalnih zajednica. Također, bit će omogućena podrška za nabavku sitne mehanizacije za poljoprivredna udruženja i zadruge, koje okupljaju značajniji broj kooperanata na terenu“, kazala je Duran. Općina Kalesija se našla u grupi 27 općina u FBiH u kojima će se implementirati ovaj projekat, koji bi mogao pomoći smanjenju siromaštva. Ismet Mešić, koji po ovlaštenju mijenja općinskog načelnika, posebno je istakao važnost projekta jer se radi o učešću siromašnog dijela stanovništva. „Putem Centra za socijalni rad će se identifikovati potencijalni korisnici. U ovom projektu mogu učestvovati sva domaćinstva čija mjesečna primanja ne prelaze 417 maraka. Veći dio stanovnika ispunjava ove uslove i može učestvovati u projektu. Općina Kalesija će podržati projekat i dogovoriti sa otkupljivačima da otkupe sav višak proizvoda od malih poljoprivrednika. Projekat će se u Kalesiji, uglavnom, realizovati u oblasti voćarstva i stočarstva“, rekao je Mešić. Naredna faza projekta je izbor poljoprivrednih udruženja i malih poljoprivrednih proizvođača,



Grb Općine Kalesija

GORAŽDE DOBIJA STATUS GRADA

Vlada FBiH je utvrdila i u parlamentarnu proceduru uputila Nacrt zakona o Gradu Goražde, kojim je određena njegova teritorija, organi, način izbora gradskog vijeća i gradonačelnika i ostala pitanja značajna za primjenu ovog zakona. Teritoriju Grada Goražda čine sva naseljena mjesta koje se, prema evidenciji Federalnog zavoda za statistiku, nalaze u okviru Općine Goražde na dan stupanja na snagu ovog zakona. "Grad Goražde je jedinica lokalne samouprave i ima svojstvo pravne osobe, njegovi samoupravni organi su Gradsko vijeće i gradonačelnik", navodi se u zaključku sa sjednice Vlade FBiH. Statut Grada Goražda propisuje i uređuje samoupravni djelokrug Grada, njegova obilježja, sjedište, javna priznanja, organizaciju, ovlaštenja i način rada njegovih organa. Statut mora biti u skladu sa ustavima FBiH i Bosansko-podrinjskog kantona, kao i federalnim i kantonalnim zakonodavstvom, navodi se. Tim povodom, načelnik Općine Muhamed Ramović za medije je izjavio: "Općina Goražde sada već skoro tri godine aktivno radi na tome da dobije status grada, jer smatramo da, osim što ispunjavamo ulove iz Zakona o principima lokalne samouprave, status grada zaslužujemo i po svome privrednom, kulturnom, napretku u urbanističkom, ali i u svakom drugom smislu. Iako i mi, uostalom kao i svaka lokalna zajednica na svijetu, imamo svoje probleme, ono što je sigurno jeste da smo mi proaktivni i da je svaka naša aktivnost okrunjena vrhunskim rezultatima.



Grb Općine Goražde

U ŽEPČU PLANIRANO OSNIVANJE POSLOVNE ZONE GOLUBINJA

Na 36. Sjednici Općinskog vijeća Žepče, koja je održana 31.05.2016. godine, jednoglasno je donesena odluka o osnivanju poslovne zone „Golubinja“. Osnivanje poslovne zone „Golubinja“ Žepče inicijativa je privatnog sektora, članova Lokalnog ekonomskog foruma Općine Žepče. Inicijativa je pokrenuta 2015. godine a Razvojna agencija Žepče je zajedno sa Službom za graditeljstvo i prostorno uređenje Općine Žepče radila na realizaciji ove inicijative. Poslovna zona „Golubinja“ sastoji se iz dvije zasebne cjeline i to „Golubinja I“ koja obuhvata građevinsko zemljište KO Željezno Polje i „Golubinja II“ koja obuhvata ostalo građevinsko zemljište u KO Golubinja. Do sada je realizirano 10 lokalnih inicijativa koje je većinom predložio privatni sektor a općina Žepče prihvatila i usvojila. U narednom periodu očekuje se usvajanje još dvije nove inicijative koje će uticati na bolje poslovanje u općini Žepče za obrtnike i mala i srednja poduzeća.



Grb Općine Čitluk

OPĆINA ČITLUK POTPISALA MEMORANDUM O SARADNJI S ANTIKORUPCIJSKOM MREŽOM ORGANIZACIJA CIVILNOG DRUŠTVA



U uredu načelnika općine Čitluk je 9. juna/ lipnja potpisan Memorandum o suradnji između Općine Čitluk i Antikorupcijske mreže organizacija civilnog društva u BiH – ACCOUNT. Memorandum o suradnji su potpisali Ivo Jerkić, načelnik općine Čitluk, i Dženana Alađuz, direktorica Udruženja INFOHOUSE, koje je na potpisivanju u Čitluku predstavljao Asmir Orman, iz Udruga Centar za građansku suradnju – Livno. Memorandum o suradnji predstavlja osnovu za rad na projektu izgradnje kapaciteta nevladinih organizacija i odabranih općina/gradova na izradi strategija/akcijskih planova za borbu protiv korupcije na lokalnoj razini. Ovaj projekt, uz podršku Američke agencije za međunarodni razvoj u BiH (USAID), realizira Antikorupcijska mreža u BiH – ACCOUNT. Dokument precizira

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmedmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

U SARAJEVO PUŠTEN U FUNKCIJU NEXTBIKE SISTEM BIKIKALA

Ispred zgrade Općine Novi Grad Sarajevo, gdje je izgrađen jedan od dva parkinga za bicikle u Novom Gradu, 24. juna/ lipnja je upriličeno svečano puštanje u funkciju nextbike sistema bicikala. Tom prilikom predstavnici agencije Supermarket ukralto su prezentirali sistem, demonstrirali način korištenja bicikala, te omogućili prvu vožnju biciklističkom stazom od zgrade Općine Novi Grad do bazena Otoka. Svi korisnici koji se registruju u Sarajevu, za samo 20 KM godišnje, Nextbike gradske bicikle mogu koristiti ne samo u Sarajevu već i u više od 100 gradova u svijetu u kojima postoji ovaj sistem. „Veoma smo sretni i ponosni što smo uspjeli realizovati ovaj projekat u Sarajevu i na taj način omogućiti našim sugrađanima da po simboličnoj cijeni koriste gradske bicikle i uživaju u 30 minuta besplatne vožnje svaki dan“, kazao je direktor agencije Supermarket Ahmed Čerimović. Posebno se zahvalio Općini Novi Grad koja je, kako je kazao, podržala ovaj projekat i time pokazala svijest društveno odgovornog poslovanja. Kako je kazao Muhamed Smajić iz



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Gledajte Savez općina i gradova
Federacije Bosne i Hercegovine na



Pratite Savez općina
i gradova FBiH na



Službe za investicije i infrastrukturu Općine Novi Grad, ova lokalna zajednica prva je u BiH na čijem prostoru je izgrađena biciklistička staza po evropskim standardima. Staza je povezana i sa Centrom „Safet Zajko“, gdje je izgrađeno stajalište za bicikle, a ovim projektom, naši građani će imati mogućnost iznajmljivanja bicikla. „U cilju stvaranja boljih uslova za bicikliste, na području općine Novi Grad Sarajevo su u toku aktivnosti na izradi projektne dokumentacije za izgradnju biciklističke staze od Nedžarića do Dobrinje.

Također, provode se aktivnosti na iznalaženju mogućnosti za obilježavanje biciklističke staze na A transverzali iz pravca Međunarodnog aerodroma do kružnog toka na Mojmilu, čija je izgradnja u toku“, kazao je Smajić, ističući da će se na taj način postići funkcionalna cjelina za odvijanje biciklističkog saobraćaja na prostoru Novog Grada. Pored brojnih predstavnika medija, svečanosti su prisustvovali i poznate ličnosti: glumci Mustafa Nadarević, Senad Bašić i Muamer Kasumović (poznatiji kao porodica Fazlinović iz popularne serije „Lud, Zbunjen, Normalan“) kao i muzičar Laka, koji su među prvima provozali Nextbike bicikle. Nextbike bicikli od danas su dostupni na dvije lokacije u općini Novi Grad i to ispred zgrade Općine i u Centru „Safet Zajko“, kao i na još četiri lokacije u gradu kod Alta Shopping Centra, Importanne Centra, Ziraat Banke u ul. Zmaja od Bosne 47 i hotela Radon Plaza.



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.